

CONVENIO DE COLABORACIÓN ENTRE A AXENCIA DE TURISMO DE GALICIA E O CONCELLO DO CARBALLIÑO PARA A CONSTRUCCIÓN DE EDIFICACIÓN PARA RECREACIÓN DA CASA DA COLA NO MUSEO DA FÁBRICA DE PAPEL

O xerente de Turismo de Galicia

DECLARA:

Que esta Axencia Turismo de Galicia formalizou co Concello do Carballiño o instrumento convencional arriba referido por un período de vixencia que abrangue dende a data da súa sinatura ata o 31 de decembro de 2025.

Que o instrumento convencional ten por obxecto establecer o marco de colaboración entre Axencia de Turismo de Galicia e o Concello do Carballiño para a construción de edificación para recreación da Casa da Cola no Museo da Fábrica de Papel.

Que existe converxencia de intereses entre as entidades asinantes en orde á consecución obxecto referido.

Que o instrumento convencional que se pretende asinar se **fundamenta** no seguinte:

Primeiro.- A Axencia Turismo de Galicia, en virtude do disposto no artigo 9 dos seus estatutos, aprobados polo Decreto 196/2012, do 27 de setembro, é a entidade pública instrumental do sector público autonómico de Galicia á que lle corresponde o impulso e execución da política turística da Xunta de Galicia en relación coa promoción da calidade e a innovación, o desenvolvemento, mellora, información e difusión do sector turístico galego, potenciando a devandita oferta, mediante a comercialización, información e difusión do produto turístico da Comunidade Autónoma de Galicia.

Para lograr esta finalidade a Axencia Turismo de Galicia acomete, no ámbito das súas competencias, un decidido apoio á promoción e fomento do sector turístico de Galicia a través daquelas accións que lle permiten acadar os seus obxectivos.

Segundo.- O Concello do Carballiño, no seu propósito de fomentar as actividades turísticas e culturais como un importante sector de desenvolvemento nas zonas rurais,



está a promover todos aqueles aspectos e actuacións que faciliten o acceso de todos os veciños e visitantes a aquelas zonas que pola súa importancia turística merecen ser visitadas.

O Concello pretende levar a cabo a construción dunha edificación para a recreación da "Casa da Cola" dentro do Museo da Fábrica de Papel, antiga fábrica de papel de mediados do século XIX a carón do río Arenteiro, preto de Longoseiros. Nos últimos anos o Concello do Carballiño, tras adquirir o edificio, está inmerso nun proceso de musealización do mesmo. Este museo pretende somerxer ao visitante nun viaxe no tempo ata a fábrica do século XIX que levaba a cabo o proceso de fabricación de papel a través da reciclaxe e de transformación dos trapos. Un proceso que se pode apreciar e entender na primeira planta do inmoble onde está todo o proceso explicado.

A "Casa da Cola" no seu día era unha edificación que formaba parte da Fábrica de Papel que se empregaba para a "cocción" dos trapos, tras primeiro deixalos podreecer en auga, dende aí pasaban a continuación a ser partidos nos muíños de batán, os mazos eran de diversos tipos: para esfiar, refinar e homoxeneizar. A operación de trituración nestas tres etapas duraba ata 36 horas, (dependendo do grado de finura da polpa que se quería conseguir) nos que de forma continúa os trapos eran golpeados polos mazos ou batáns. Terminada a operación anterior a pasta pasaba a outros tanques, nas que se diluía con auga, ata tomar un aspecto leitoso, e era agora cando se engadían diversos produtos, colas e amidóns (para dar apresto ao papel) e colorantes, no seu caso. Este último proceso é o que se realizaba na "Casa da Cola".

Coa reconstrución desta edificación preténdese poder recrear todo o proceso de elaboración do papel para así poder mostrarllo de forma íntegra aos visitantes do Museo, sobre unha industria que foi vital para o concello e que axudou á industrialización decimonónica da Galicia interior e desta rexión.

Terceiro.- Que este proxecto supón a posta en valor dos recursos turísticos do concello, o que tamén contribuirá á revalorización do turismo da Comunidade Autónoma.

Que a través deste convenio, outórgase ó Concello do Carballiño unha subvención directa en virtude do disposto no artigo 19.4 c) da Lei 9/2007, do 13 de xuño, de subvencións de Galicia, polas razóns de interese público, social, económico e humanitario expostas nos puntos anteriores que dificulta a súa convocatoria pública, de



conformidade co previsto no artigo 26.2.a) da Lei 9/2007 do 13 de xuño, de subvencións de Galicia.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados Lei 9/2017, do 8 de novembro, de contratos do sector público, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asíñase esta memoria, en Santiago de Compostela

O xerente de Turismo de Galicia

Antonio Casas Calviño

